

Kilen an Ri-Naŋinmej eo Ebbōk Memed/Madeakek ilo Ār (Sputum)

- Sputum ej memed ak madeakek eo pokpoke loŋtak jān ār ko. Ejjab kaplo ak uwur ko jān kabin būruōm ak uwur jān boŋim.
- Emŋantata sample in memed/madeakek eo waļok jān ār im pokpoke loŋtak in jibboŋ tata, ilo am rujtok jān am kar kiki ilo boŋ.
- Ekkā wōt, aer kijoŋ kajjitok bwe kwōn aini juon sample in memed/madeakek eo waļok jān ār, ikijjien jilu jibboŋ ko rej kij-lokwan-doon. Bōtaab, kwōaikuj ļoor karōk ko kar jiroŋ iok kaki ilo mōn taktō/jikin jermal eo kōnke emaroŋ ainjuon ŋan kajojo ri-naŋinmej.
- Naaj lewaj ŋan iok tube eo (ko) ekūriin mejān im ej jikūru im pāāk būļajtiik eo (ko) nien sample eo (ko). Kōjermal juon tube ŋan kajojo raan, ŋe emōj jiroŋ iok bwe kwōaikuj ae sample ko ikijjien elōŋ raan ko.
- Joŋan memed/madeakek jān ār (sputum) eo aikuji ej tarrin juon tii jibuun.

Tube in ebbōk ak ae sample eo ejjeļok kij ie (lukkuun erreo). Jab kōpeļļoke tube eo mae iien kwōpojak in kōjerbale. Jab jibwe lowaan tube eo ak mejān ilo am kōjerbale.

Wāween kōmmane:

Moŋta jān ebbōk sample – etal ettoļok jān armej ro jet – pād nabōj ak turin wūntō eo epeļļok. Wāween in enaaj jipaŋ kōjparok armej ro jet jān kijin TB ko ilo am pokpok. Bōke ippam būļajtiik tube eo nien sample – ak jab kōppeļļoke mae iien kwōpojak in kōjerbale.

1. EĻAP AN AORŌK: Moŋta jān am ebbōk sample in memed/madeakek jān ār, kalōte am būraje ŋiim/ŋiŋat ko ŋiŋatūm im rukruk kōn aebōj (ejjab kein kwaļkwoļ loŋi ko) ŋan kūrķure loŋiim. Jab mōŋā, idaaŋ ak kōbaatat moŋta jān ae memed/madeakek jān ār (sputum).
2. Buuļ im bōk kūtwōm ilo ļoŋiim im dāpiji jidik innām pokpok im lelōŋtak memed/madeakek jān ār ko jān ijo emwilaļ lowaan ubōm. Kwōmaroŋ aikuji buuļ bōk kūtwōm jejo alen im pokpok elōŋ alen ŋan kabwe joŋan sample in memed/madeakek jān ār im aikuji. Ŋe kwōjjab maroŋ pokpok loŋtak memed/madeakek jān ār, kajjioŋ emmenono jitiim jān jikin tutu eo ak ainbat in dān eo edu.
3. Kōpeļļoke tube eo nien sample im kepaake ŋan loŋiim. Kaploik memed/madeakek jān ār (sputum) ŋai lowaan tube eo, jab būrare likin tube eo.
4. Āliji pokpok im kaplo mae iien etōprak diktata tarrin juon tii jibuun in memed/madeakek jān ār ilo tube in ae sample eo (joŋan wōt 5 mL ļain eo itulikin tube eo).
5. Jikūruiki im kapene māj eo mejān tube eo bwe en jab tojor.
6. Iri likin tube eo im karreoiki jān būrar in memed/madeakek jān ār, ŋe aikuji.
7. Je jete raan eo im awa eo ae/ebbōk sample ilo jikin kōkaļļe (label) eo ilo tube eo.
8. Likūt tube eo ŋai lowaan pāāk būļajtiik eo nien innām kilōke im sil i.
9. Likūt sample eo ŋai lowaan aij bojok eo (ejjab ilo freezer eo).
10. Bōktok ippam sample eo (ko) ŋan mōn taktō/jikin jermal eo ŋe kwōnaaj roļtok ilowaan 5 raan ko jān am aini sample eo kein (kajuon).